

Obavijest o realizaciji Drugog kruga mjere “Služba u saradnji sa poslodavcima 2022”

Obavještavaju se poslodavci da se mogu 26.09.2022. godine prijaviti na mjeru „Služba u saradnji sa poslodavcima 2022“ u skladu sa Programom sufinansiranja zapošljavanja 2022, do utroška sredstava. Prijave će se zaprimati u vremenu od 07:30 do 15:00 sati.

Prijave za učešće na navedenu mjeru vrše se isključivo slanjem potpisanog i ovjerenog Obrasca SP 2022 od strane ovlaštene osobe na e-mail adresu: **kontakt@zdk-szz.ba**

Sa jedne e-mail adrese je moguće poslati samo jednu prijavu za samo jednog poslodavca. Ukoliko sa iste e-mail adrese bude dostavljeno više prijava, kao validna će se uzeti samo ona koja je prva dostavljena.

Prijave na mjeru se evidentiraju u realnom vremenu, po datumu i vremenu primanja e-maila. Sve prijave će, u skladu sa pravilima Programa, biti provjerene.

Služba će na svojoj web stranici postaviti informaciju o prispjelim prijavama poslodavaca, sa statusom ‘na provjeri’, ‘odobreno’ i ‘na čekanju’.

U mjeri Služba u suradnji sa poslodavcima 2022 Služba zaprima Obrazac SP 2022, te ukoliko je isti ispravno i uredno popunjen, Služba obavještava Zavod koji vrši provjeru u skladu sa tačkom 10. stavovi 1 i 2 Programa. Nakon uspješno izvršenih provjera, Zavod daje saglasnost, putem e-maila, Službi za izradu i zaključivanje ugovora o sufinansiranju. **Poslodavac može zaposliti osobu momentom davanja saglasnosti od strane Zavoda, a najkasnije u roku od 15 dana od dana davanja**

saglasnosti. Nezaposlena osoba mora biti prijavljena na evidenciju nezaposlenih najmanje dan prije podnošenja Obrasca SP 2022.

Napominjemo da se neće sufinansirati zapošljavanje osoba koje su zaključile ugovor o radu sa poslodavcem prije davanja saglasnosti Zavoda.

Dodatno, poslodavci koji su se prijavili 08.08.2022. godine na mjeru „Služba u saradnji sa poslodavcima 2022“, ne mogu se prijaviti na Drugi krug mjere “Služba u saradnji sa poslodavcima 2022” (26.09.2022.g.) ukoliko imaju zaključen ugovor po navedenoj mjeri.

Po svakoj objavi Javnog poziva, poslodavcu se može odobriti sufinansiranje zapošljavanja, ukupno po svim mjerama, što uključuje i mjeru Služba u suradnji sa poslodavcima 2022, najviše po 20 osoba sa evidencije nezaposlenih po kantonu.

Obrazac prijave – Služba u saradnji sa poslodavcima 2022 (Obrazac SP 2022) se može preuzeti na web portalu Zavoda i web stranici Službe.

Program sufinansiranja zapošljavanja 2022

OBRAZAC SP 2022